

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“ broj:7/10) i Programa utroška sredstava Ministarstva za rad, socijalnu politiku i izbjeglice za 2018.godinu, broj: 02-14-3073/18 od 22.02.2018. godine i 02-14-11047/18 od 05.07.2018. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 153. sjednici održanoj dana 03.08.2018. godine, d o n o s i

ODLUKU

o odobavanju sredstava za sufinansiranje projekata u MZ Željezno Polje, općina Žepče- „Sanacija lokalnog puta u MZ Željezno Polje, dionica Lager-Močila“ i „Izgradnja rezervoara za vodu u naselju Šahmani“ s ciljem potpore povratku

Član 1. (Predmet)

(1) Odobravaju se sredstva u iznosu od 24.000,00 KM (slovima: dvadesetčetiri hiljade konvertibilnih maraka) kao učešće Zeničko-dobojskog kantona u sufinansiranju projekata u MZ Željezno Polje, općina Žepče- „Sanacija lokalnog puta u MZ Željezno Polje, dionica Lager-Močila“ i „Izgradnja rezervoara za vodu u naselju Šahmani“ s ciljem potpore povratku.

(2) Iznos od 100.000,00 KM, za sufinansiranje projekata iz stava (1) ovog člana odobren od strane Federalnog ministarstva prostornog uređenja utrošit će se u skladu sa Ugovorom o sufinansiranju projekta koji je potpisan od strane ministra Federalnog ministarstva prostornog uređenja i ministra Ministarstva za rad, socijalnu politiku i izbjeglice od 22.12.2017. godine i Saglasnosti Federalnog ministarstva prostornog uređenja broj: 04-14-4-170/17-76 od 13.06.2018. godine, prema kojem je Ministarstvo za rad, socijalnu politiku i izbjeglice nosilac realizacije projekta.

Član 2. (Analitička konta)

Sredstava za realizaciju projekata iz člana 1. ove odluke isplatit će se iz Budžeta Zeničko-dobojskog kantona za 2018. godinu („Službene novine Zeničko-dobojskog kantona”, broj: 01/18), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica”.

Član 3. (Uplata sredstava)

Doznaka odobrenih finansijskih sredstava će se vršiti na račun izvođača radova, odabranih nakon provođenja procedure odabira izvođača radova u skladu sa Zakonom o javnim nabavkama Bosne i Hercegovine („Službeni glasnik BiH“ broj: 39/14), koju će provesti Ministarstvo za rad, socijalnu politiku i izbjeglice, kao nosilac projekta.

Član 4.
(Provođenje Odluke)

Za realizaciju ove odluke zadužuju se Ministarstvo za rad, socijalnu politiku i izbjeglice i Ministarstvo finansija svako u okviru svojih nadležnosti.

Član 5.
(Izvještavanje)

Ministarstvo za rad, socijalnu politiku i izbjeglice, kao nosilac projekta, će koordinirati sa Federalnim ministarstvom prostornog uređenja s ciljem praćenja i izvještavanja o stepenu implementacije projekta.

Član 6.
(Stupanje na snagu)

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02- 14-12360 /18.
Datum 03.08.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x “Službene novine Zeničko-dobojskog kantona”,
1x a/a.